

Snuttefilm

FILMIN OHJE

MUOKATTU OHJE FREDRIK LINDSTRANDIN KIRJOTTAMA
FILMI GÄVLEBORGILE, KIRJAILIAN LUVALA



TIITTELI	SNUTTEFILMI PIENOKAISILE
OHJAUS	Anna-Clara Tidholm & Gun Jacobson
VUOSI	2007
PITTUUS	30 min
MAA	Ruotti
SUOS IKÄ	3 vuotta
OHJEET	Fredrik Lindstrand

KIRJALISIA ESIKUVIA

APAN FIN ANNA-CLARA TIDHOLM
SIMONIN ANKKA ANNA-CLARA TIDHOLM & GUN JACOBSON
KOKO YÖ ANNA-CLARA TIDHOLM
NELLY PAKKAA ANNA-CLARA TIDHOLM & GUN JACOBSON
KAIKIN SAAVA OOKATA MYÖTÄ ANNA-CLARA TIDHOLM

TULOSTETTU VÄRSUUNI
WWW.FILMCENTRUM.SE

KERTOMUS

Snuttefilmi – pienokaisile on kokoelma filmiä, kaikkiin nuoriimille ja siihen kuuluu viis lyhyttä ja färikästä filmikertomusta rauhalisin menhoin semmosista asioista, jotka on lapsile tuttuja heän arkipäivästä. Filmit siiothaan yhteen lyhyilä välikohtauksilla, joissa on teknatut tyypit ”Snuttarit”, jotka toimiva hengähtämisinä ja seruaavien filmien esittelyinä.

HEIPÄHEI, PIKKU APINA! – Apina herrää aamula, hyppii sängyssä, syöpi, vaatittee ja läh-tee ulos. Ulkona apina pölkää koiraa ja kastelee ittensä vesilantikossa, ennen iltaa taas kotona.

SIMONIN ANKKA – Simon oon ulkona kävelyllä ankan kans ko net joutuva toisista erihleen. Ankka kokkee monta seikkaulua ennen ko net taas oon yhdessä.

KOKO YÖ – Yks väsyny pikku poika kattoo klasista. Sitte se nukahtaa ja klasin ulkopuo-lela ilmestyy erilaisia elukoita ...

NELLY PAKKAA – Nelly tuntee, ette oon yksin ko mamma mielyttellee räakkyvää lap-su-kais-ta ja pappa istuu taattorin eessä. Nelly pakkaa ja lähtee kotoa. Mutta pappa ja mamma soittava kummatki ja oon surumielisiä ja halvava, ette Nelly tullee takasi kotia ja niin Nelly tekkee.

KAIKIN SAAVA OOKATA MYÖTÄ – Yks tyär aijaa lastipiiliä ja kokoaa myötä aina vain enämpi matkustajia. Pyörtyny tonttu, syvästi hunteeraava sika, langenu poika, paleleva koira ja itkevä nalle. Net ookaava tyttären kotia yhdessä, syvä ruokaa ja pitävä hauskaa.

HEIPÄHEI, PIKKU APINA!

MORON!

Lapset saattava luultavasti tunnistaa itensä monessa niissä arkipäivän elämisen puolissa, joita filmissä esitettiin. Pruukaattakos olla väsyksissä aamuilla? Kukas perheessä oon enniiten väsyny aamulla? Pruukaakos joku herättää teät vai herräättäkös tet itte? Mitäs tet pruukaatta syä frukostiksi? Juopikos kukaan teistä maitoa aamulla (niinku pikku apina)? Kunkas oon vaatittea itensä aamulla? Auttavatkos mamma ja pappa vai vaatittetakos tet itte? Kukas valitsee vaatheet? Oonkos teile favvuvaatheitä? Favufäriä??

PIENTEN APINOITTEN JA PIENTEN LASTEN SEIKKAILUJA

Filmissä apina oon myötä monissa seikkailussa, muun seassa apina kohtaa koiran, joka oon inhottava. Oonkos joku kohanu haukkuvan koiran? Miltäs se tuntu? Mistäs muusta saattaa pölästyä ko oon ulkona kävelyllä? Miltäs tuntuu pölästyä jostaki? Miltäs tuntuu hyppiä ja kiivetä ko apina? Pruukaattakos tet hyppiä sängyssä kotona? Miltäs se silloin tuntuu? Mitäs mamma ja pappa sanova?

Viis pientä apinaa:

Viis pientä apinaa hyppi sängyssä
(anna toisen käen sormet ”hyppiä” toisela kaelä)
yks lankesi ja löi pikku päänsä.
(Piätä päätä molemila käsilä)
Mamma soitti tohturhiin ja tohturi vastasi:
(lossaa, ette soitat)
- Apinat ei saa sängyssä olla
(sormi pysthөөn)
Neljä pientä apinaa ...
Kolme pientä apinaa ..
Kaks pientä apinaa ...
Yks pieni apina ...
Yhthään apinaa ei hyppiny sängyssä.
yhthään apinaa ei langenu eikä lyöny päätä.
yhthään mammaa ei soittanu tohturhiin eikä tohturi tarvinu vastata.
Ja mamma hallaa viittä apinaa niin sommaa.

KAIKIN SAAVA OOKATA MYÖTÄ

OLLA YKSIIN JA OLLA YHESSÄ

Miltäs tuntuu olla yksin? Halvaakos sitä joskus olla yksin? Koska? Mitäs hyviä puolia siinä oon olla yhdessä muitten kans? Mitäs saattaa tehdä silloin, mitäs ei saata tehdä ko oon yksin?

Kukkas pääsit tyttären myötä? Kelles näistä eri tyypistä, jotka pääsit myötä, oli teän mielestä kaikkiin myysisintä päästä kotia tyttären tykö?

Leekatkaa, ette tet ookaatta sinisellä lastipiililä! Leikki alkaa sillä, ette yks teistä aijaa ympäri huonetta ja seisottaa jonku lapsen tykönä. Se saapi ookata myötä! Ookatkaa jonossa yhdessä seuraavan lapsen tykö ja niin poijes päin kunnes kaikki lapset ookaava pitkässä jonossa.

Olkaa pieniä apinoita vähän aikaa! Kunkas pienet apinat marsiva, hyppivä ja kiipeävää? Miltäs se kuulostaa? Mitäs net tykkäävä syä?

Piiain joku teistä ossaa ramsan/sormileikin ”Viis pientä apinaa”?

SIMONIN ANKKA

SEIKKAILUJA PIENILE ANKOILE JA PIENILE LAPSILE

Muistattakos tet mitä seikkailuja ankka sai kokea? Mikäs oli hauskiinta taikka jännittäväntä niissä seikkailuissa, joita ankka sai kokea? Olettakos tet olheet myötä jossaki seikkailussa mikä muistuttaa jotaki siitä keikesta mitä ankka taikka poika filmissä sai kokea? Kerro! Miltäs se tuntu? Mitäs kaikkea siitä mitä filmissä tapahtu, olis sommiinta sulle ittele kokkeila? Muistattakos tet mitä henkilöitä ja muita konnia ankka kohtasi seikkailuissa?

PYÖRTYÄ JA LÖYTÄÄ TAKASI

Mitäs tet luuletta, miltäs se pojasta ja ankasta tuntu ko rihma meni poikki ja ankka rullasi menheen? Mitäs tet luuletta poika teki ko ankka oli seikkailuila? Mitäs tet luuletta, miltä ankasta ja pojasta tuntu ko net löysit toisensa takasi?



LEEKATA

Mitäs ankka ja poika tehit ko net taas kohtasit? Mitäs leikkiä net leekasit? Mitäs tet tykkäättä leekata kotona ja esikoulussa? Mitäs tet leekata yksin ja mitäs tet leekatta yhdessä toisten kans? Koskas oon kaikkiin hauskiinta leekata? Oonkos teilä joku favvoleikkikampe kotona ja/taikka esikoulussa? Mikäs sen tekkee, ette tet tykkäättä paljon justhiinsa siitä leikkikampeesta? Oonkos kelhään teistä paatiankka kotona?

Leekaa
följa
jonnia!

KOKO YÖ

YÖLÄ JA AAMULA

Kunkas se oon ko kotona pittää nukkua? Oonkos kelhään teistä koskhaan ollu hankalaa päästä nukhuun? Mitäs silloin saattaa tehdä? Kunkas sitä huomaa, ette ilta tullee ja yö?

Kunkas sen huomaa ette aamu tullee? Mitäs ääniä aamula kuuluu? Kukas herrää ensin? Oonkos arkipäivän aamuila ja pyhäpäivän aamuila eroa? Mikkäs aamut oon ihaniimpia? Miksi?

ELUKOITA

Filmissä hiipii, tassailee ja hyppii erilaisia elukoita ulkona pojan klasin siutti. Muistattakos tet mitä elukoita met saima nähä? Mitäs elukoita tet itte oletta nähneet toelisuussa?

Olikos joku elukka kummempi saa'a nähä klasin ulkopuolela ko muu? Mikkäs elukat oon öisin herälä? Mikkäs elukat pölkäävä ja varova toisia? Pölkäävätkös lapset joitaki elukoita? Oonkos kelhään kotielukoita kotona? Nukkuvatkos net yölä?

Kunkas pingviinit
marsiva? Freistatkaa
marsia pienin askel-
hin niinku pingviinit
yhessä!

Lossaa, ette sie olet
yks filmin elukoista
ja liiku niinku se.
Anna muitten arvata
mikä elukkaa sie
olet!

NELLY PAKKAA

SISARUKSET

Oonkos kukhaan teistä saanu pikkusisaruksia? Miltäs se tuntuu taikka tuntu? Mikäs oon hyvä puoli ja mikäs vähemmän hyvä? Mitäs pikkusisarukset saattava tehdä itte ja missäs net tartteva apua? Miltäs se tuntuu ko ei saa mamman eikä papan huomiota? Mitäs tet silloin tehettä?

Mitäs tet tykkäätä tehdä yhdessä mamman ja papan kans? Koskas oon kaikkiin myysisintä? Mitäs oon hauskaa tehdä yhdessä sisarusten kans? Taikka koko perheen kans?

KAIVATA SITÄ, JOTA RAKASTAA

Filmissä Nelly piti reista poijes, mutta katu. Miksis se valitti sen siihaan jäää kotia? Miksis tet luuletta, ette mamma ja pappa tuli surumielisiksi ko se ensin sano, ette hään ei meinaa tulla kotia? Oletkos sie koskhaan kaivanu jotaki toista? Miltäs se tuntu? Miksis toinen kaipaa toista??

REISATA

Muistattakos tet mitä Nelly pakkasi väskhyyn? Oonkos kukhaan teistä lähteny reishuun? Mihinkäs tet reisasitta? Mitäs tet ottasitta myötä jos tet pitäsittä pakata väskyn ja reisata johonki? Mikäs oon tärkeintä ottaa myötä?

